

gnaden trath und uszfellig warth, wolde thun lassen: do wegerte der rath myner gnedigen frawen bisz an den dritten tag sulchen kommer zu thun. Zcum letzten gestatten sie sulchen kommer. Usz dem selbigen kommer hat der rath, nemelich Kirstianus Wilde, eyn burgermeister, dy selbige frawe mit der stat knechte und pferden gen Stolberg ane wissin myner gnedigen frawen laszen geleyten; der selbige hat mit hulffe und ratte Ludolphus und Heinricus Meyer, ouch burgermeister, mitsampt dem richter der frawen anzceygunge geben, das sie dy selbigen ire gutter eyne stutenden gein Erfforth, mit namen Nicolaen Schicken, uffgeben solde, der denne myn gnedige frawe laden und bannen salde von des kommers wegen abe zu thun, das von ym also geschach. Sin vater wonet [zu Stolberg ¹].

Item der selbige rath hat zugestattet, das dy frawe allerley gerethe usz dem huse in den kommer tragen lisz, auch gutter pferde II dorus ritten. Besantte myn gnedige frawe den rath durch iren amptman und begerte eynen ader zewene us dem ratte mitte in das hus zcu gehene zcu besehene, was nach dorynne wer zcu beschr... laszen, uff das nictes mehr verrugkt wurde: wegerte der rath eyn sulches [meiner gnädigen] frawen, das sie dem allercleyNSTen burger in der stat ader eyne fremden nicht [verwegern].

Item aller burger, der myne gnedige frawe zcu gliche und zcu rechte mechtig ist und zeuflucht zu iren gnaden haben, sal der rath hinder iren gnaden unirkant nicht straffen, sunder vor iren gnaden usztragen: uber das allis haben sie eyne bey verslossen toren des obendes geschact, do her keyne hulffe nach irholunge gehalten mochte.

Item der alde rath, nemelich Ludolphus Kirstianus Wilde und Heinricus Meyer, haben myner gnedigen frawen ire joden mit dem begrepnisse zcu drey malen hoche beschact, denne vormols ye geschen ist von den forigen rate.

Item dy selbigen haben sich myner gnedigen frawen montze underzogen und dy allerbeste und ganghafftigste montze nedriger und hinder myner gnedigen frawen vorbitten laszen, darnach uber eyn vertil jar weder glich also vore gebitten laszen, des myne gnedige frawe alleyne zu thune had und bekennet dem ratte keyne macht doran zu haben.

Item dy selbigen haben eyn nawe mol mit zewen raden ganghafftig ane wissen und volwort myner gnedigen frawen vor eyne jare gebawet, dor mitte sie myner gnedigen frawen und des capittels möl wuste machin, under sich auch heymlich verbitten, das keyn burger offenbar dor ynne thar malen laszen: welcher dorynne melit, sagen sie, also du mit dem ratte melist, also wirt dich der rath vertedingen; der ander saget, wenne dir kue unde pferde gnomen werden, so heysz dy frawe von Qweddelenborg auch nachjagen. Dor obir wird gantz wenig in myner gnedigen frawen mol gemalen, so das der moller kommerlich dy helffte des zcinsses also vore gegeben mag.

1) Die eingeklammerten Worte finden sich nur in der jüngeren Copie.